



UGOVOR o nabavci usluga prevoza radnika na posao i sa posla u 2019. godini

KJKP Sarajevogas d.o.o., Sarajevo, Ul.Trg Fadile Odžaković Žute br. 4, Sarajevo, BiH,
Koga zastupa: Direktor Preduzeća Mr.sc. Nihada Glamoč, dipl.ing.maš.,(u daljem tekstu: Kupac)

i

«Centrotrans-Eurolines» d.d. Sarajevo, Ul. Kurta Schorka br. 14, Sarajevo, BiH
Koga zastupa: Direktor Mr. sc. Safudin Čengić,(u daljem tekstu: Prodavac)

Član 1.

Predmet ovog Ugovora je usluga dnevnog prevoza radnika na posao i sa posla u 2019. godini po provedenom konkurentskom zahtjevu za dostavljanje ponuda broj: KN-05-01/19. Prodavac je dostavio ponudu prema specifikaciji Kupca broj SP-OJ04-KN-05-01/19-01, koja je priložena ovom ugovoru i predstavlja njegov sastavni dio.

Član 2.

Ugovorna vrijednost usluga iz člana 1. ovog ugovora bez PDV-a iznosi: **18.750,00 KM (slovima: osamnaest hiljadasedamstotinapedeset) KM**, a jedinične cijene su specificirane u prilogu ovog Ugovora i čine njegov sastavni dio.

Član 3.

Prodavac će usluge iz člana 1. izvršavati autobusima sa najmanje 45 sjedišta na relaciji od Stupa (Heco pijaca) do poslovno tehničkog kompleksa Kupca u Butilama. Polazak autobusa sa Stupa je u 7¹⁰ sati izjutra, a povratak u 16⁰⁰ sati po završetku radnog vremena sa Butila.

Član 4.

Obaveza Prodavca je da pravovremeno izvrši usluge prevoza radnika koristeći autobuska stajališta gradskog prijevoza. Ukoliko usluga ne bude pravovremeno izvršena, te radnici Kupca ne stignu na vrijeme do poslovno-tehničkog kompleksa Butile, Prodavac je u obavezi da sve eventualno nastale štete nadoknadi Kupcu, a naročito troškove izgubljenih radni sati radnika koji se prevoze.

Član 5.

Prodavac će obračun izvršenih usluga vršiti po jediničnim cijenama iz priloga ovom Ugovoru. Kupac će plaćanje izvršenih usluga izvršiti nakon **30 dana** po prijemu uredno ispostavljene poreski ispravne fakture na transakcijski račun Prodavca navaden na fakturi.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.



Član 7.

Prodavac usluga nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

Član 8.

Ukoliko Kupac u ugovornom roku iz člana 5. ovog ugovora ne plati cijenu za izvršene usluge obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 10.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.
Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, od kojih svaka ugovorena strana zadržava po 2 (dva) primjerka.

Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor, Mr. sc. Safudin Cengić

Broj ugovora: 1132/19

09.01.2019

Safudin Cengić

Za Kupca:

Direktor Preduzeća, Mr.sc. Nihada Glamoč, dipl.ing.maš.

Zvršni direktor, Mr. Mehmed Mehović, dipl.oec.

Broj ugovora: 04/19

10-01-2019

Mehmed Mehović

Nihada Glamoč